

雲溪居士集



雲溪居士集

四庫全書珍本初集

集別集類部

商務印書館受教育  
部中央圖書館籌備  
處委託景印故宮博  
物院所藏文淵閣本





詳校官庶吉士臣吳烜

侍讀臣孫球覆勘

謄錄監生臣朱起鳳

謄錄監生臣龍舜耕

欽定四庫全書

集部三

提要

雲溪居士集

別集類二 宋

臣等謹案雲溪居士集宋華鎮撰鎮字安仁會稽人元豐二年進士官至朝奉大夫知漳州軍事鎮原集本一百卷又有揚子法言訓解十卷書說三卷會稽覽古詩一百三篇長短句一卷會稽錄一卷并附哀文一卷通一百十七卷紹興

十三年其子初成哀集刊刻曾表進於朝又鎮上蔡  
樞密書自云有所作王制解一編而初成所為  
狀跋則不載是書蓋當時已散佚矣其集諸  
家書目皆不著錄寶慶會稽續志但稱鎮好  
學博古嘗作會稽覽古詩一百三篇不及其集  
惟焦竑經籍志載雲溪居士集一百卷而其他  
著作亦均未載近錢唐厲鶚編宋詩紀事僅從地  
志之中抄得會稽覽古詩九首知自明以來是

集無傳本也茲於永樂大典中掇輯詮次釐為三十卷雖未能頓還舊觀然原刻卷數已得三之一矣樓炤序其集曰精深典贍道麗逸發又曰介然自重不輕以求人之知其名之不昭也固宜然觀其學術大抵以王安石為宗且與蔡京章惇輩贈答往來干祈甚至炤之所云未必遽為公論特幸不為京輩所汲引故尚未麗名姦黨身敗名裂耳至其所為

詩文則才氣豐蔚詞條暢達雖不足與歐曾  
 蘇黃比絜長短而在元豐元祐之際亦裒然  
 自成一家置其人品取其文章可矣乾隆四  
 十六年九月恭校上

總纂官臣紀昀臣陸錫熊臣孫士毅

總校官臣陸費墀

二十五年...  
 二十六年...  
 二十七年...

雲溪居士集原序

始余得故朝奉大夫華君鎮會稽覽古詩一百三篇知其為好古博雅之士也疑其文采足以竦動時聽而名不昭何哉紹興壬戌來為是邦君之子初成奉君文集一百卷求余文冠其首曰多矣哉余既得盡觀其文又益以知其人蓋介然自重不輕以求人之知也其名不昭固宜君之文精深典贍而詩道麗逸發其它衆製爛然皆有體則非涵養蓄蘊之厚不能發之如此也元豐

間孫覺豐稷在朝皆薦君堪博士不報卒老州縣其治  
行泯沒不得顯白于世矣而文又不昭焉嗚呼有可惜  
哉然初成能盡力以圖傳君之文於世亦足以不朽矣  
君嘗自號雲溪居士用以名其集紹興癸亥八月晦日  
資政殿學士左朝奉大夫知紹興軍府事兩浙東路安

撫使馬步軍都總管樓炤序

按宋史樓炤傳炤字仲暉永康人登進士第紹興十

四年以資政殿學士知紹興府事過闕入見除簽書樞  
密院事而炤序題云紹興癸亥知紹興軍府事云云鎮  
子初成狀跋云茲者樞密資政樓公來帥會稽末亦題  
云紹興十三年癸亥是炤即於是年知紹興而旋復內



擢史稱十四  
年者誤也

此書之原委其始於乾隆庚辰年  
中書書學士曹士元以古法刊刻  
書成後皇上在內廷覽之稱善  
命生員王昶等撰序以傳  
其書之始末及刊刻之由  
其書之原委其始於乾隆庚辰年  
中書書學士曹士元以古法刊刻  
書成後皇上在內廷覽之稱善  
命生員王昶等撰序以傳  
其書之始末及刊刻之由  
其書之原委其始於乾隆庚辰年  
中書書學士曹士元以古法刊刻  
書成後皇上在內廷覽之稱善  
命生員王昶等撰序以傳  
其書之始末及刊刻之由

華初成進雲溪集原表

臣初成言伏覩明詔搜訪書籍者竊以藏在私家業久  
虞於失墜迨茲盛世書方切於褒蒐十行爛雲漢之章  
六丁謹雷電之勅束帛有賁輜軒載奔發孔壁所藏盡  
禹穴之探殘編蠹簡片幅斷碑煌煌乎盤盂之銘矯矯  
若鍾鼎之字下為稗說上極皇墳莫不相載而來肩摩  
自列羣言八奏不惟漢牘之三千秘府遂盈何止唐卷  
之八萬曲盡古今之目大增文物之光宜臣激悞氣於

衷腸永孝思於手澤顧惟家學難冒天聰臣初成誠惶  
誠恐稽首頓首臣聞剖楹發書言徒遺於子壯在枕置  
藁上繫待於時明事則殊塗誠終共貫巾箱舊矣卷軸  
紛然鑠鑰一開湛凝塵而盡去纓冠再拜疑遺墨之未  
乾慷慨移時想見平日或訓過庭間之授或侍執燭際  
之成因欲傳家儻能垂世歲深道遠懼將泯沒而無傳  
風動雲興欣值作成之有道勉思自竭冒昧上陳恭惟  
皇帝陛下湯聖日躋舜德天合至仁曲被於動植大孝

足通於神明慶明良千載之逢鞏祖宗萬世之業政刑  
振起號令興行卧鼓橐弓固已掃除於氛翳橫經講藝  
又將黼藻於太平衣冠之屬羣趨弦誦之聲四合如先  
臣鎮生於遠俗起自諸生係志斯文當哲皇徽考朝嘗  
有述矣召試博士如孫覺豐稷輩更推挽之既艱遠業  
之圖尤重空言之託丘山仰止曾毫末以無遺日月行  
焉苟容光而必照臣是用載在方冊悉上送官雖未能  
裨丁部之多庶幾塵乙夜之覽野人屬意獻徒効於美

芹先臣有知忠尚期於結草今有先臣雲溪集凡一百  
卷揚子法言訓解一十卷書說三卷會稽覽古詩一百  
三篇并目錄二十五冊謹繕寫隨表上進干冒天威臣  
無任瞻天望聖戰慄屏營之至謹奉表以聞臣初成誠  
惶誠恐稽首頓首謹言紹興十四年六月日右朝散郎  
監行在權貨務都茶場賜緋魚袋臣華初成上表

欽定四庫全書

雲溪居士集目錄

卷一

賦一首

卷二

古體詩二十五首

卷三

古體詩三十首

卷四

古體詩二十七首

卷五

古體詩十四首

卷六

古體詩十四首

卷七

今體詩五十二首



卷八

今體詩四十五首

卷九

今體詩三十九首

卷十

今體詩三十四首

卷十一

今體詩十二首

卷十二

今體詩七首

卷十三

今體詩七十四首

卷十四

論七首

卷十五

論五首

卷十六

論六首

卷十七

論八首

卷十八

論七首

卷十九

論四首

卷二十

論十一首

卷二十一

書十七首

卷二十二

書十五首

卷二十三

書十九首

卷二十四

書十四首

卷二十五

啟三十六首

卷二十六

啟六首

劄子三首

卷二十七

表九首

策問六首

卷二十八

記七首

卷二十九

銘一首

序二首

引一首

題後一首

說三首

傳一首

墓志一首

卷三十

祭文十五首

卷之五

卷之六

卷之七

卷之八

卷之九

卷之十



欽定四庫全書

雲溪居士集卷一

宋 華鎮 撰

賦

感春賦

遺微公子王韞東山淵嘿蘭澤結丹桂為華寢製荃荷  
為縫掖藝道術之嘉種蒐德園之鮮食掇英榮於藝圃  
銓朋遊於虛寂從容卒歲泊然自適者久矣一日乘春  
晴駕華軫歷三川瞰太清出入關河徜徉都城俛焉有

傾仰焉有營心動氣變怫鬱紛紜若有所感而中失其  
平於是拂衣整巾旋轉動輪馳騫康莊造乎高明丈人  
而問焉即席丈人曰吾聞意態怒如者飢於食也筋節  
乏弛者勞於力也神奪氣褫者屈於理也膚革萎蕤者  
傷於疾也精耗神散者老而衰也吟秋賦雪者感節物  
也蹙頞頽眉者懷憂危也此皆物觸於外志變於內情  
動其中發興形容故嗜好失常而色理不類今公子胃  
腹便便其中果然養固豐矣曳裾垂佩徊翔容與靡有

勞矣志大氣剛采色孔揚無所屈其豪矣且食息平和  
既安且寧凝脂點漆又非頽齡妬粲粲之嘉時詠詩禮  
於趨庭從事無獨賢之勞出疆無荷戈之征奉慈嚴以  
致養合孺稚以樂生無憂危之懷矣遲日逶迤微風扇  
和草木欣榮淥水騰波非感慘慄而傷遲暮之日矣然  
而公子色變意沮頽然心醉若有羨而弗得慨所慕之  
莫致何為而然乎敢聞其說公子曰若丈人者可謂見  
其一而知其二視其表而得其裏者也鄙心之私信若

所教方將濯塵垢於言泉發矇瞶於辯囿辱問敢不敬  
告僕投跡隱約棲情素朴頌詠前修尋研方策積腐草  
之微曜映晷消之殘白蓋亦有年矣生於清夷無事之  
日覩芳時之屢更曾未嘗揚眉明目眦天日之佳麗解  
顏發齒道物色之榮華前日脫屣下國拭目神臯覽豐  
鎬之作京歷成周之四郊其山則伊闕轅轅如墉如門  
底柱大岷折柳洪源嵩少維屏峻極于天二嶠關關三  
峰竦蓮岐梁挾石太一在前傍引九峻斜界甘泉包籠

牛首至于黃山其水則滎洛經其南大河緯其後溫液  
效其珍鄭白資其富涇渭灌於都中伊瀍夾於左右其  
邑則都城言言崇高九雉廣路三條通門十二九市鱗  
差千閭櫛比皇居在中蔚然壯麗其宮則東有永安西  
有未央前有栢梁後有建章桂宮五柞長樂明光蓬萊  
大明興慶上陽寔業欵赭千載相望琢雙壁以抗門飾  
威鳳以表闕南端俯瞰於清泚應門上切於膠轕雲龍  
神虎左陪右列金狄瞰睨仙莖條達神明聳臺以突兀

井幹飛樓而煥爛華清繡錯於泉流翠微綺結於山半  
屬玉飛廉之館平樂上蘭之觀濯龍芳林之園西園上  
林之苑太液寫景於溟渤昆明擬跡於雲漢列三島以  
鼎峙抗牛女而中判迎風露寒長楊豫章之館三十有  
六徧於圻甸金張甲第許史之廬冠軍寵賜汾陽宴居  
中通永巷跨坊兼閭綠野金谷裴石所除華堂綺閣文  
疎藻櫨窮美極觀宸居是模嘉木成林清流溢渠鳴禽  
馴獸瞻聆可娛於是師尹常伯三事大夫金馬瀛洲之

彥蘭臺麗正之儒宴私夕退禁省晨趨飛華纓於紫闥  
交文駟於通衢五公族姓七相華胄邠寧岐薛之客田  
竇閻梁之友三選州郡之豪五都貨殖之後朱劇趙張  
之倫探丸剔鼓之醜販脂粥脯之室洒削馬醫之叟靡  
不聯騎鳴珂介鷄走狗捐百萬以呼盧輕千金而貰酒  
攬芬秀於宮藥蔭葱蒨於禁柳追物色以遊行既目前  
之所有若夫鱗介隱伏羽毛細微卉木生殖無情無知  
亦皆揚鬢鼓鬣振迅羽儀含英發秀方鶯乘時故王鮪

萃於龍門擘天波而奮飛谷鷲遷於上林占喬木之高  
枝蜂蝶翕集拂箔穿帷燕雀來往頡頏差池井梧凝露  
而載華宮槐遡日而合舒長楊飛絮於天池弱草成茵  
於金堤僕曾未嘗躡上林之輕塵依觚稜之清影沐微  
和於暖律承末光於麗景是鷲鮪蜂蝶燕雀槐柳之未  
若又安可鄙馬醫之賤而慕豪右世族之侈哉且難得  
而易失者明時也既往而不再者壯年也流逝迅激曾  
不我與者節物也芳華九十忽焉云暮隙駒石火未足



喻其疾方強壯而邁盛明不得極春遊之歡虞覽上國  
之勝麗與有生者欣發育而樂交泰是猶守糠粃於豐  
年違大明於暗室豈不戚歟此僕之所感而自憐者也  
願幸承教無使久其病丈人曰惡有此哉公子不以是  
為樂則已矣如其樂之何病之有且山川之勝則融結  
於郊圻都城雖峻而高門洞開宮闕之麗煥乎天街名  
園甲第羅列如綦天子弛園囿之禁如周文之治岐雖  
葛菟雉兔亦往焉而如歸况遊覽之佳士復何虞於禁

司彼裴石之林壑固寓目其奚疑雖然乏許生之勝具者浪投跡於山水無庶卿之大嚼者徒垂涎於屠門君子探竒索偉必有軼越之器賞物覽景必有虞樂之事然後遼潤迥末咸暨而無違美情寫興適極耳目之好而不負所值遇公子之蓄積諒既美矣予特未之間也試言其槩公子曰何謂也丈人曰園客之絲獨繭飛緒修纖縞潔繹之無類吳蜀之工經理色素褰禱葉於夕煙擷朱華於朝露丹之青之式改其故如漆如金玄黃

間錯翻新騁工以織以組綺錦繁緻綾紈修姱綃縠虛  
勻羅紋交布縲若文貝輕如流露素手運刀明眸審度  
引以南金之針紕以冰蠶之縷旋員應規直方中矩溫  
清之適與時無迂此服飾之美也公子有之乎曰蜉蝣  
楚楚風人所刺則不敢為奢儉之間稱時之製亦有之  
矣丈人曰西山之檀產於厓石本支碩大有樛有直根  
聯絡於礪砢稍凌摩於峯萼夏則畏日火雲照射爆爍  
融熬脂液冬則霜風戛擊條披枝折積雪層冰下沍其

側續理而堅與石同色於是使奚仲操式輪扁運斤因

直為轅合曲成輪浮沈應準輕重符鈞服以代北之駟

驂以渥洼之駟王良秉轡織阿執鞭駛如流水輕不動

塵此陸遊之具也公子有之乎曰美澤可鑒見譏前史

敢不為戒柴車款段致遠之備亦有之矣丈人曰江湖

之間地極東南其土塗泥疏而不暝按暝原本作映語不可解韻亦不叶

當是暝字之訛暝而宣切亦作塤塡疇沙土也於義其正合韻亦適諧緣字形與映相類故原本誤作映耳

氣多陽雖冬寡寒南風無時四節常暄清泉漱石淡泊

潺湲是生良材厥名木蘭理疎而柔輕而善浮在水益  
堅可以為舟公輸之徒翦落條枝以剔以剝使其中空  
參四載於神禹稽渙象於庖犧繚以青瑣覆以筠廬魚  
文鷁首龍鱗陸離剡菌桂以為楫紐貝錦以為維凌文  
波而蕩漾若鷗鷺之虛徐此川遊之具也公子有之乎  
曰通達之道水泉處其半舟楫不備行路斯難剡剡之  
器亦有之矣丈人曰鄒嶧之陽泗水之陰猗梧特生擢  
秀百尋溫淳清越樂磬之石負抱而孕育玲琅而激冽

鳴泉之響潏洄而浸淫資所感於朝夕含太和之雅音  
披翦孫枝為瑟為琴固以醇漆絃以縷絲軫以玉珥徽  
以兼金播蘭雪之絕唱詠薰凱於棘心息虧成之竒辨  
役賞悟於高深淵魚鼓舞而出沒六馬仰秣而沉吟此  
聲樂之美也公子有之乎曰君子無故琴瑟不去僕雖  
不美敢不從事絲桐之器亦有之矣丈人曰會稽之楮  
業結杳冥碧葉蒙籠瑤珂枝撐零露沆瀣朝以滲漉雲  
腴烟素觸而宵凝剡川之湄蜿蜿垂藤纖根旁引絡莫

稜層紫梢高驤凌霄上騰剔輕膚之柔素和寒液之清  
澄密若繭綴潔於層冰膩比凝脂勻如垂繒蜀麻腐脆  
而未工簡策滓滯而非朋代截裂於邊幅便舒卷於纖  
滕中山之兔栗林之鼠褐毛紫穎修髯勁尾剔以象櫛  
齊以霜匕沐以蘭湯纏以繒紙束員筠以就握運煙膠  
於秋水揮灑縱橫淋漓披靡既小大以成體又愜心以  
順指上黨之松其壽千年凌厲霜霰枝目擎拳變化石  
之赤心飛脩突之珠煙代郡之獸駢質素斑卧石飲冰

便險能寒結幽朔之勁厲戴雙觥之石堅液銛端之流  
膏就芳煤之脩員發華采於毫素飾文辭於簡編良玉  
推其績粟醇漆慙其未玄漳河之湄齊魏故都冰井舊  
物銅雀之餘翡翠顏色鴛鴦規模人世非兮川河未改  
棟宇傾兮堙淪路隅霜鴻千度過煙草幾番枯邈歲月  
之淹久飽泉壤之霑濡或僅存於圭角時見獲於犁鋤  
含精耀黑不頑不稔肖員方於珪璧角溫潤於珣玕若  
夫愜賞遇之心覲物象之勝激涌泉之藻思感凌雲之



逸興寫雕章於長謠述妍辭於流詠維此四物無一則  
病公子亦有之乎曰登高能賦昔人所善雖匪大夫敢  
不强勉文室之美備之久矣丈人曰檠楮如錦生於荆  
山豐末之角產彼幽薊三均六良往來有體董澤之叢  
東南之美金鏃石砮鵬鷲翎羽和氏騁巧工倕運伎檠  
合矯殺以為弧矢鳴鏑朱絃魚服象弭激若奔星張如  
流水射遠則超忽中深則披靡春氣微和可以張弛貫  
楊葉於脩埒破采侯於高時仰虛落於孤鴻傍得雋於

雙雉侑賓俎之甘鮮啟瓠犀之皓齒公子有之乎曰桑  
弧蓬矢赤子之訓依仁游藝前聖所傳僕無負薪之憂  
寧敢有缺於斯器丈人曰良金之壺脩徑有度矢以柘

棘物因其故制之用扶

按二語用禮記投壺籌室中五扶堂上七扶庭中九扶孔穎達

疏四指曰扶原本作符誤

堂室異數侑以貍首之樂節以魯薛之鼓

既慶馬而告賢斯有懲於不武可以肄禮於燕射可以  
侑樂於賓主公子有之乎曰文物之制戴經所記祭遵  
軍中猶用不廢哨枉之具亦有之矣丈人曰裊裊之增

加以繁弱一蠶所吐聯以為繁凌虛縵於游絲乘風輕  
於遺籜籊籊荆篠絲絲緒屈芒針以為鈎屑芳桂以  
為餌規輕輪於盈鳧式卷舒於弱縷蒲苴得之以聯鴻  
鵠詹何習之以制鱣鮪下逸翮於高雲出潛鱗於淵水  
乍應響以星隕或翻波而錦綵既俯仰而有觀亦殊甘  
而擅旨公子有之乎曰弋鳧與鴈風人所美桐江磻溪  
有嚴有呂禽漁之器亦嘗具矣丈人曰文楸之枰青石  
之局縱橫歧道錯落金碧綴象犀以為比琢員玉之黑

白呼臬叱盧三行五格華巾揮拂手敏心愜味陶唐之  
遺制揆奕秋之良策輕陳郡之十萬掩東府之一擲可  
以忘憂可以永日酒闌樂闋賞心未適太昊司晨而方  
舒羲和鞭日而未夕以侑樽俎以宴賓客公子有之乎  
曰張而不弛道非文武猶賢之訓聞之夫子奕者雖非  
所嗜則亦有其物矣夫人曰公子春服既成舟車云具  
有禮有樂既文既武弋釣碁博亦習之素斯可以窮勝  
賞於人境之表極餘樂於名教之內縱目力以遐覲偶

尤絕而無愧真芳蹊之佳客樂遊之奇侶此吾宿昔願  
得與之周旋者也子歸而嚴子之具矣吾今載脂載牽  
請為子先矣公子曰唯唯於是迺避席逡巡再拜受賜

...

...

...

...

...

...

...

...

...

欽定四庫全書

雲溪居士集卷二

宋 華鎮 撰

古體詩 四言二十五首

神功盛德詩

神州推美也藝祖太宗宣祖之子太平之業  
創於二后故推以歸美焉

茫茫神州有疆有理殲殄豺虎翦夷荆杞人可以羣神  
獲其祀惟宣祖是畀

道有倫極克建克叙不喪厥猷物有其紀既汙者隆何  
千萬年施于孫子惟宣祖所畀

其畀惟何篤生真人作之孔武敏則有神迺聖嗣德益  
之以文慶既令矣克成厥勲

神州三章一章七句二章章八句

於皇受命也藝祖以神武受天休命開太平  
之基焉

於皇武王帝錫其猷克奮神武應天之求維睠乃顧申



命用休獄訟謳歌旁來不謀高視虞夏嗣于有周  
蠢爾小腆昧天之靈弗念厥顯首干我經龍旂東指淮  
海惟清西狩三城澤路以平皇皇天聲如雷如霆罔不  
震驚

偏師四指露檄旁招負固銜璧知幾造朝凌江絕嶺曾  
不崇朝蜀道失險關烽聿銷

恢恢皇綱周漢之後唐嗣不武實弛其紐自我維之律  
此羣醜式相上帝以奠九有

於皇四章一章十句一章十一句二章章

八句

亨龍定功也太宗佐佑藝祖應天順人盛德  
升聞復受厥命克成帝王之功焉

瞻彼亨龍應時而作維雲維雷以引以翼大人有徽音  
物被其澤德馨孔昭休命爰錫

蕞爾汾晉穢我王路天誅久稽爰赫斯怒大明繼昭晞  
彼朝露文軌攸同平平天步

朱干凋戈包以虎皮脫劍解胄敦說書詩鍾鼓喤喤俎  
豆儀儀相我斯成以永丕基

亨龍三章章八句

猗歟體道也章聖莅天下無為而成體至道  
之用焉

猗歟道真厥心希微我則道之萬物紛錯我攝之以無  
為股肱良矣心膂則竒蕩蕩妙用民莫之知既綏寰中  
亦靜四夷承休垂裕維君維師

雍雍和聲召彼協氣散為豐年凝為嘉瑞三脊之茅四海之美惟帝王是致

巖巖太山升于天中鸞輿戾止玉檢金封汾雎千里親飛六龍上下昭報神明以通

在昔圖書出于河洛有龍有龜前聖之作惟天無親德侔斯格我躬受之寶符神筮

猗歟四章一章十三句一章七句二章章

八句

惟天保民也仁祖有盛德協于上帝能保惠  
于庶民增大先人之功焉

上天之載引之惟逸原民之生天子之職我安其止弗  
擾弗刻厥德罔愆宜符帝則

我征既寬我役不煩息我干矛審爾刑寬井飲田食日  
舒以閑鴻化何為淳風載還

俾爾息而庶俾爾厚而富黃髮稚齒既仁且壽帝歆其  
馨介我純祐

其祐維何如商之戊天地其行既長且久寵綏下民克  
念厥後取我元良錫之九有不失其傳益羨三后惟堯  
舜為難惟我則不

惟天四章二章章八句一章六句一章十  
二句

德淵有慶也英皇起維城之地毓明德而陟  
寶位見世積之慶焉

世德之淵慶流瀾瀾篤生哲后在宗之子其積彌新有

聞不已文考受之以肖以似人之攸歸天命爰止  
天命靡常惟德惟功神聖有作歷數在躬正位東朝遂  
成大宗協和萬邦萬邦以雍

沈沈神機其動其時和柔以剛克愛以威肅之振之俾  
無或隳功則未既思有宏規

德淵三章一章十句二章章八句

皇猷復古也神考體非常之畧篤見古道能  
底不世之功焉

皇有大猷其成落落文武不世千載無作聖人勃興積  
厚施博作之新之以底遠畧

既發我明既達我聰合變體經神化無窮長毓儒雅蓄  
礪兵戎無思不服物有其容夙夜不怠濟我豐功

濟濟朝廷有名有實多士在服百工勵翼禮樂興矣刑  
政既達郁乎有文紹周之則

緜綿句麗

按通典高麗本名句麗以高為氏後漢書作高句驪魏志唐書皆作高句麗

莽莽

河湟絕彼東海逸于西疆或翦或懷德威孔揚列我郡



縣襲我衣裳于前人有光

皇猷四章二章章八句一章十句一章九

句

一

二

三

四

五

六

七

八

九

欽定四庫全書

雲溪居士集卷三

宋 華鎮 撰

古體詩 五言三十首

詠古十六首

衮衣自美好無能被猿猱鷓鴣巢魯門惻愴臨九牢此  
物乃異類珍華宜見逃潁陽本無人嗜好非羽毛執心  
一何苦用形一何勞采薇代芻豢芻豢氣膾臊飲水寧  
手掬瓢風聲怒號不慕黃屋尊遺之如秋毫道真固所

重無乃太囂囂達士各有心非志斯鬱陶飲河已盈腹  
河流自滔滔一枝儻可棲雲構如蓬蒿適外皆長物逐  
物非吾曹如何市朝人捐生競錐刀頽川無回波始覺  
素風高

穆王有天下王綱正齊肅玉帛來萬邦明堂覆重屋珠  
金巖器皿龍章粲華服玉戚副朱干英莖薦清曲窈窕  
備嬪御芳顏美如玉文章窮制作采色已繁縟晚與化  
人遊清都暫經目夢回顧人世愴恨情不足九重深且

巖視若窘羈束腐朽視玉石臙惡生膏沐倏起駕八駿  
凌飛厲黃鵠遠尋西王母高宴崑山麓歸來九廟荒日  
暮歌黃竹

黃河天上來一曲一千里馮夷值海若反顧忘秋水通  
川不足多支流寧復紀大樸久已喪羣言亂如麻儒墨  
及刑名交流自名家曲士殉所察紛紛摘其華伯陽究  
宗本為言天地初蟋蟀驚春秋格言落玄虛華顛困章  
句強識家人書

長劍寄寶匣往往夜鳴吼芒針補弊履雖賤不為醜藏  
器貴有施斯人自吾偶汲汲出疆贄皇皇喪家狗無愧  
三宿行未多沮溺耦營丘執羔客乃是射鈎手解縛履  
文陞低顏亦含垢魯堂品藻中茂實帝王後君子當際  
會所學問行否南陽三顧日不羨商巖叟相期等釣璜  
茲為兆熊后宿將輕少年前席亦何有恢恢王景畧落  
落秦關右周旋二十年初心了無負何必逐桓溫聯翩  
東南走松柏儻莫依嵩岱皆培塿

昔在戰國時吳生固多竒弱魯偶以將彊齊不能支聿  
來守西河縱橫各有施黔首樂無貳財用日以滋士卒  
思致命官事咸允釐韓趙既來賓秦人怯東窺魏郊昔  
多壘中外安且熙當時計其功誰復相等夷盛德乃不  
器中智各有宜由來秉國鈞不類提軍綏論列謾紛錯  
至當難重違桓桓蓋世氣低徊下卑辭

風雲起幽朔霜雪彫松桂修竹實不華猗梧慘憔悴江  
漢凝以沍醴泉更蒙蔽鸞鳳何所歸增擊真良計岐山

盡禾黍九成困憊憑鳴矣後佳期來儀爽幽契烏鳶競  
腐鼠仰視驚高逝衆羽亦可懷雲飛屢回睨猗嗟魯先  
生生後唐虞際高華雖鞞鞞碩果終幽翳幅紙下聊城

片言挫秦銳鈇鉞釋紛難未足論明哲

按哲讀去聲音  
制傳元祀景帝

登歌執競景皇克明克  
哲旁作穆穆惟祇惟畏

况復歷下談微端本柔脆時無

豪傑士橫議喧鶻鳩

按鳩本音決爾雅鶻鶻鶻是也  
鶻鳩即鶻鶻集韻涓惠切音桂本

作鶻考離騷恐鶻鳩之先鳴兮王逸注一名買鶻揚雄  
反騷恐鶻鶻之將鳴兮顏師古注鶻鶻一名買鶻一名

子規一名杜鵑常以立夏鳴則衆芳歇  
而農事興此入霽韻正依集韻音桂也

春水薄輕綃可



耐秋陽

黍稷無惡種方苞藉良農淳化混無外殊疆藹同風海  
濱昔未洽盜弄潢池中勝殘無善政矧日勞兵戎龔叟  
達事變嘉言契清衷鉄鎖何所施鉤鉏日成功鷄豚被  
封域桑麻翳垣墉天子念循良召對明光宮醉客雅輕  
事臨歧願追從厚意難重違歸軒相與同終藉哲人語  
清風徭淵冲小人徇其末所得竟無庸君子喻其大道  
義在所攻聯裾治水衡遲暮何從容

鮒魚在涸轍所志斗升水斗升不可得安望長江鯉朝  
登禹門浪回首風雷起高才忽細行脫略外譏毀鄉閭  
不見容縣令邈難邇悠然挹斗酒西遊咸陽市一言悟  
時主傾注超園綺獻納無間言經綸有餘美平步躡雲  
漢瞬息致千里賈生終如遺資用豈不偉

三聖贊拔茅拔茅有連茹四始詠鳴鹿鳴鹿嘯其類性  
理儻可賞微物在所貴矧伊人倫秀德輜自勤致昔在  
世宗時炎劉正昌熾蒲輪聘枚叟異人始膺至鄭生何

慷慨稱薦天下士嘉言美且閑咀之有餘味當朝尚趨  
和浮沈在承意囊括未足多似忝司農位獨以推轂賢  
千秋仰高義周公親吐握事與田竇異如何大將軍碌  
碌無所譽功業雖可名風流固多愧

吾愛袁東陽才華自天性注射溢飛泉玲瓏韻鳴磬微  
吟傍牛渚傾寫江州聽珠聯麟野韻響答臨歧贈倉卒  
宣城辭顛沛長沙詠辭林騁高步聲華既明盛不為桓  
公屈高風更嚴勁榮路何足論清裏自如瑩

興平昔喪亂射狼恣吞攫雄才卧南陽盤桓寄雲壑良  
玉沽善價高情無適莫風雲時會合約束非纏索蕭公  
鎮關中守固惟筦鑰韓彭冒鳴鏑閫內非所度成都偏  
仄地草昧事叅錯顧盼乾坤靜談笑風霆作東連紫髯  
公北設渭濱略靈源挹愈盈英風際寥廓明知不自假  
高談貴無怍宿昔何所侔夷吾暨燕樂

窳窳當九門西山寶騶虞鴟鴞集上林丹穴巢鷓雛姦  
雄始基構哲人晦良圖步兵偶叔末整轡登蓬壺身世

委杯酒不以禮法拘長嘯引鳴鳳新詩綴驪珠慷慨臨  
廣武感激慟窮途所志豈方外林下薄踟躕恢恢大雅  
人矯矯真龍駒寧愧蘇門士臨刑據槁梧

秋陽鑠金石康莊晝如焚乘軒及負荷累足朝市門揮  
汗散凌雨騰埃播長雲隋珠彈黃雀貴賤誰復論安知  
北窓下乃有羲皇人高卧挹清風脩然遠世紛綠琴寂  
繁奏白醅漉綸巾井水患甘旨膏蘭困明芬何用結廬  
地喧填走車輪

唐昔先天後天步復清平君王圖治定槐棘來羣英渭  
水亦投竿莘原猶棄耕丈夫敦志尚不為軒冕輕矯矯  
同州守素風獨崢嶸慷慨論十事激切觀王明獻納無  
迂言始來歆大烹富貴豈不念直道思有行馭者信所  
學不為嬖奚更况當東國鈞見利難自傾行已或可枉  
乘軒何所榮風虎既相從雲雷底光亨開元及貞觀當  
日乃懸衡至今夸毗人聞風心骨驚

高柳何葱蒨嫋嫋章臺端眉葉蔭紫極條絲拂朱欄何

以謝松竹撓弱慙歲寒既乏貞固姿枝葉何足觀小人  
殉利慾俛仰如轉丸苟非社稷臣禍患寧肯干蒲山已  
歸覲黎陽尚盤桓當時方寸地明明赤如丹颺舉冠凌  
煙騰芳臭如蘭一言失其所功名兩彫殘高帝論平陽  
劉氏終以安英公負文皇武氏為世患無忌問趙相侯  
羸起長歎白首不可保知人良獨難

蘭芷生幽薄浥露奪華姿芙蓉隔秋江扁舟滿江湄丈  
夫抱材用但願君王知甯生擊牛角載歌南山詞詞終

脫衽褐纓佩暮萋蕤人事非有定斯言或難持翩翩李  
將軍鳴弦壓由基餘威震戎虜談笑靜邊陲桃李曾無  
言嘉聲滿黃扉心知堪萬戶乃謂生匪時烽火照甘泉  
未能包虎皮目視漢飛將棄棄輕如遺頗牧已黃土  
怵勤緬思如何中林士坐視青雲期

古風

瞻彼南山下溝塍蔚相續泉流既清美土壤膏且沃巖  
壑雲氣多時雨常霑足苦乏知人術所寄非良淑樹藝



本未工營私一何速鉞鐸

按詩周頌序乃錢鐸傳鐸鐸也疏云或作耨字詁云頭長

六寸柄長一尺鐸古字也今作耨

不及時終然廢種桂嘗恐歲云暮蟋蟀

鳴我屋良苗不可見何以望嘉穀

讀孟東野懊惱詩

東野不解事強為懊惱詞惡詩皆得官舉世不及嗤好  
詩空抱山寂寞無人知詩自有好惡得官不在詩白面  
無伎能青雲多路歧君無一囊錢姻婭復為誰且保珪  
玉質無使傷磷緇文章古所貴恐非涉世資羽翼聖道

術收拾古佚遺此外不可倚倚文諒多奇

小院

小院無經過虛庭窈深幽高堂晝晴永朱箔上銀鈎文

砌桐花落碧瓦煙光流交疏靜丹綺飛梁架青虬

原注一作

回風楚罷夢  
疑塵寂其謳

流鶯自覘皖好音暫遲留

早發蕪湖風便舟中有感

長波西南驚高風激江流掛席向浦溆凌虛駕輕舟洲  
渚亂揮霍薰葭颭颭颺重山捷飛過疊浪紛悠悠鳧鷖

不及辨頻咤越飛鷗舟人擊鼓吹謔浪相賡酬調笑西  
來人掩淚寒沙頭人聞此語樂我聞此言憂爾速非爾  
巧彼淹豈其尤淹速偶所值矜笑徒自偷况余涉世途  
泰稀否常稠此日雖偶駛來日恐或不駛也儻可矜留  
滯還增羞天道雅無常非分非所求但願日日行行路  
無阻修

汎舟

汎舟涉長川舟巨川且廣操榜無良師東西逐波蕩左

之蕉葦多右之洲渚枉中有安流道可以詣所往不習  
昧其從終日勞蕩槳蕩槳勞尚可所憂波濤長黑雲蔽  
白日驚颺摧五兩沈浮何足道形生在反掌豈無觴深  
人疎絕不得賞

題竹軒詩

歲寒青松青落落惟修竹烟葉舒青翠風莖憂蒼玉高  
標契嘉士暫挹情已足况復清陰中耿耿有華屋屋下  
富經史損箎韻方睦啄食日已肥文綵更繁縟側聆簫

韶奏聯翩赴清曲秋色正蕭疎庭宇清以肅且復遠修  
林采采黃金菊莫學山陽客顛倒困醺醖

贈別新渭府機宜蔡二同年

賈生流落處寒日照山郭江湖行欲盡客意正寂寞  
擊逢蔡侯舊交宛不若立談露底裏貞意銷垠堦握手  
笑登舟杯盤已紛錯初言叙交契次問何漂泊苦道行  
路長春陵亦燒塢仲冬纔薄寒秋水雖已落湘山尚重  
疊湘水亦浩漠水深莫暮止路遠宜晨作委曲話津途

纖悉指棲托前修共科名分義曾不薄此道久淪替後  
生多落莫頌君古人風不為一杯酌我舟尚南邁君馬  
方西躍各指天一涯何以慰離索平涼古名鎮扼控開  
戎幕綠髮照青衫從容預經畧從軍古所貴清世尤多  
樂已見六翮修行看上遼廓

宿道林寺詩

鉦鼓遠轟填旌旗近凌亂蘭棹截波艤肩輿傍山轉白  
羽映塵舉烏紗倚風岸揆才非阿都託乘陪中散曠投

蕭寺迴路入修林，  
禊清談曾未既。  
長夜已踰半周旋，  
仰陂量眇睠。  
慙溝斷欲倚青雲，  
披輕歌白石爛。  
高風生夜壑，  
長松響幽澗。  
秉燭訪陳跡，  
辭墨疊壯觀。  
纓鞋雖未濯，  
心目欣已浣。  
文竒楚招些，  
跡異元郎漫。  
初驚冰玉違，  
已見珠璣璨。  
臨池名草聖，  
天台得才冠。  
兼資古所稀，  
荐遇世尤願。  
琳琅鼓餘韻，  
蛟蚪走芳翰。  
詣絕雅無倫，  
神變敏如幻。  
規為到古始，  
氣槩起消悞。  
須知趙璧貴，  
祇借秦人玩。  
吟想情有餘，  
言終屢增歎。

汲水詩

汲水苦綆短低回就清淺綆短儻有續重淵良不遠清  
淺本無源其涸易見覘重淵酌愈出流波被溝畎膏肓  
苟願治會須即俞扁所之在萬里庸可策鴛蹇白茅滿  
原隰刈之何不勉緝索紈乃長單極恣舒卷寄聲汲引  
者功微利亦鮮

虛室

軒前列羣山軒後得虛室宛若成都居枵然惟四壁清



明照牕牖不待秋月色萬籟悄無聲終年飽岑寂

頤軒詩

土木謝瑀華結構趣閑敞四座來風月中庭容几杖庭  
喧海潮至牕暝山雲上蕭散寄官曹欣茲會清賞

寶墨堂

原注堂在新  
安縣舍後圃

堂有顏公石辭墨真世寶圓潤屈銀鈎淳華挾春藻忠  
義昔所服文藝久彌好至今有識人撫卷惜元老

廣述二首

茫茫太行道日側獻彫虎天明落檻竄迥失山林阻搖  
尾仰視人意態已如鼠烏鵲竟何為俛喙噪而聚高明  
人共畏鰥寡世所侮丈夫氣如霜所貴摧強禦埋輪斥  
豺狼不待梁冀死長孺戒李息張湯方遇主古人恥低  
徊吐茹兩不武真節一朝奮千載羞莽鹵茲人不可見  
茲事乃近古三復清風詩永懷仲山甫  
飄風入閭闔九陌起黃埃馭選振鳴珂馳驅東西來側  
足湊高明珠箔為褰開附會崇岳友沮譽牛李儕傾側

競姿媚談笑足詼諧朝為道旁客暮為廊廟才如何首  
陽人悵望黃金臺所得竟斗筭回首良可哀安見鄭子  
真谷口日徘徊嘉聲滿朝野何用苦自媒

